

Матфеин 23 бөлг.

1. Тегэд Иисус эмитиг болн Эврэннь сурьульчнран эклэд дасхжаһад иигж келв:
2. «Дегтр бичдг улс болн фарисеймуд Моисеин орм эзлж Бурхна Зака Һарджана.»
3. Цуг теднэ келсинь соңстн, соңсад зааснь кетн. Болв тедн кесн кергүдинь, кежэх юмнь дураж бичэ кетн, юңгад гихлэ тедн амарн келвчн, бийсинь келсэр, заасар бээхш.
4. Тедн йир күнд аца эмтнэ нурьнд үүрүлнэ, зуг эмтнд тедн дөңгөн күргхин төлэ хурһан чигн көндөхш.
5. Тедн эмтнд бийэн үзүлхэр юм кенэ. Хормаһан утдулад сээхрүлнэ, Бурхна закас болн бичэтэ зальврльста кенчрмүд маңнадан, толһа деерэн болн Һартан зүүнэ.
6. Нэр болсн цагт ачта ормд кевтхдэн дурта, синагогмудт болхла деегшэн Һарад сууцхана.
7. Хургт ирсн цагт, тедниг эмтн «Багш! Багш!» гиж дуудхла икэр байрлна.
8. Тадн болхла багш гиж бичэ бийэн нерэдтн, юңгад гихлэ таднд Һанцхн багш Христос бээнэ, тадн цуһар хоорндан ахнр-дүүнр болжанат.
9. Тадн Һазр деер Эцк гиж бичэ кү дуудтн, юңгад гихлэ тана Һанцхн Эцк Теңгр деер бээнэ.
10. Тадн Багш гиж бийэн бичэ нерэдтн, юңгад гихлэ тана Һанцхн Багш Христос болжана.
11. Тадн дунд ик болснь зарц болх.
12. Юңгад гихлэ бийэн деегшлсн күн дорацулгдх. Зуг бийэн дорацулсн күн деегшлдх.
13. Хойр чирэтэ дегтр бичдг улс болн фарисеймуд, ик гидг зовлң таднд ирх, юңгад гихлэ Бурхна Теңгрин орн-нутг эмтнэс хаажанат. Тадн бийстн оржахшт, болв орхар седжэх улсиг орулжахшт.
14. Хойр чирэтэ дегтр бичдг улсиг болн фарисеймуд, ик гидг зовлңгта болхт!

Юңгад гихлэ тадн белвсн гергчудин герт бийдэн теднэс ик ачлвр авхин төлө худлар удан мөргнэт. Тегэд тадн түүнэс ик цаажла харьхт.

15. Хойр чирэтэ дегтр бичдг улс болн фарисеймуд, ик зовлңгта болхит! Юңгад гихлэ негхн күүг бийэн дуральхар седэд, эврэһэрн бээлхэр седэд, теңгс ьатлад, ьазр эргэд гүүнэт. Болв тер күүнд эврәннь уха-санаһан орулчкад, бийэсн хойр дам му дор мөңк ьалын көвү кенэт.

16. Сохр көтлэчнр, таднд бас ик зовлң ирх! Юңгад гихлэ тадн келнэт: «Сүмэр андһар тэвсн күүнд юмн болшго. Кемр күн сүмин алтар андһар тэвсн болхла, тер күн килнцтэ болх.

17. Ухан уга болн сохр улс! Алтыг эрүлсн сүм эс гиж алтн деер?

18. Дэкн тадн келнэт: «Кемр бэрцэр андһар тэвсн күүнд юмн болшго. Зуг бэрц деер бээсн юмар андһар тэвсн күн килнцтэ болх.»

19. Уха уга болн сохр улс! Бэрц деер бээсн юмиг эрүлсн бэрц эс гиж деернь бээсн юмнь деер?

20. Тегэд бэрцэр андһарлсн күн бэрцэр чигн болн дееринь бээсн юмар андрльна.

21. Сүмэр андһар тэвсн күн сүмэр чигн болн тенд бээдг Бурхар андһарлжана.

22. Теңгрэр андһар тэвжэсн күн Бурхна ширэһэр болн деер суусн Бурхар андһарлжана.

23. Хойр чирэтэ дегтр бичдг улс болн фарисеймуд, тадн басл ик гидг зовлңгта болхит! Юңгад гихлэ тадн бадрашкас, зорьдас, зирэс арвдгч хувинь Бурхнд нерэдэд өгнэт. Болв Бурхна ьол закаг: хээрлт, үнн чик бээдл - жирьл, итклиг үлдэжэнэт. Энүг чигн болн терүг чигн күүцэх кергтэһинь медж автн.

24. Сохр көтлэчнр бөкүниг уусн ундасн бэрж хайдг, болв ик темэг зальгжахан үзтн.

25. Хойр чирэтэ дегтр бичдг улс болн фарисеймуд!

Тадн басл гидг ик зовлңгта болхт! Юңгад гихлэ тадн ааһиг ьазаһаснь цеврлнэт, зуг тана ааһин дотрнь эс тессн ховдг болн хармч седклэр олсн юмар дүүрснь тадн ухалжахшт, керглжэхшт.

26. Сохр фарисеймуд! Ааһин дотркинь цеврэр бэр, тегэд Һазакнь цеврлгдх.
27. Хойр чирэтэ дегтр бичдг улс болн фарисеймуд, басл ик гидг зовлңгта болхит!  
Тадн сээхн ширдчксн үкэрлэ эдл болж йовнат, болв дотрнь болхла үксн күүнэ  
ясмудар болн жигшүртэ юмсудар дүүрң болжанат.
28. Тадн эмтнэ нүднд Һазак бээдл – кевэрн цаһан саната, үнн седклтэ, эмтнд  
дурта улс болж үзгднэт, болв тана дотрк седкл болн зүркн килнцэр болн хар  
санаһар, хойр чирэтэ кергүдэр дүүрң болжана.
29. Хойр чирэтэ дегтр бичдг улс болн фарисеймуд, йир ик зовлңгта болхит!  
Юңгад гихлэ тадн ээлдэчнрт үкэрмүд тосхнат, Бурхнд иткдг улсин бумблвс  
сээхрүлнэт. Тегэд келнэт:
30. «Кемр бидн өвкнрин бээсн цагла эмд йовсн болхла, бидн ээлдэчнрин цус  
асхрулльнд орлцшго билэвидн.»
31. Тадн эврэн бийстн герчлжэнэт: бидн ээлдэчнр алсн улсин үрдүд  
болжанавидн.
32. Эврэннь өвкнрин кессн кергүдиг цааранднь күцэтн.
33. Тадн хойр көлтэ хорта моһас! Яһж тадн мөңк Һалас зулж гүүхмт!
34. Таднур ээлдэчнриг, цецн ухата болн дегтр бичдг улсиг Би илгэжэнэв. Тедниг  
тадн зэрмнь моднд хадад эмнь таслхт, синагогмудт цокад, бальснас бальснур  
көөхт.
35. Тадн деер Бурхнд иткдг улсин цусн! Бурхнд иткдг Авелин цуснас эклэд,  
сүмин болн бэрцин хоорнд эмнь таслсн Варахин көвүн Захария күртл, тадн деер  
ирх.
36. Үнэр таднд келжэнэв: цуг эн Бурхнд иткдг улсин цусна төлэ эн үйнр  
цаажлгдх.
37. Иерусалим, Иерусалим ээлдэчнрин эм таслдг, чамур илгэсн улсиг чолуһар  
цокж көөдг! Кедү дэкж чини үрдүдиг Би, шовун мет, живр доран цуглулхар  
седләв. Зуг чини үрдүд цуглрхар седсн уга.
38. Эн учрар тана гермүд хоосн үлдх.

39. Тегэд Би таднд келжэнэв: «Тадн ода Намаг үзшгот!»- гиж тадниг эс келтл ода: «Деед Эзнэ Нерн деерэс Ирснь эдстә!»»